

Publicaziuns officialas dils 12 d'avrel 2024

Vischnaunca Trun

Damondas da baghegiar

Datum da publicaziun: 12-04-2024

Petents: Pascal ed Adriana Albin, Via Fraissens 1, 7166 Trun
Object: Construcziun d'in baghetg annex vid la garascha, construcziun d'in bogn aviert, adattaziuns vid il plaz da seser sin parcella 3028 a Zinzera
Zona: Zona da habitar (H2)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Lubientschas da carrar sin las vias d'uaul

Entochen l'entschatta matg vegn la crappa e la lenna ch'ei curdada duront igl unviern sin las vias d'uaul rumida. Tgi che carrescha avon sin las vias d'uaul fa quei sin atgna resca. Muort plazzal da baghegiar sin la via Uaul dallas Vallettas sco era muort tagls da lenna eis ei da quintar cun restricziuns da carrar.

Las legitimaziuns da carrar sin las vias Alp da Schlans, Boden, Munt e Nadels san vegnir retratgas naven dad immediat tier l'administraziun communal. Las cartas san era vegnir empustadas sur la pagina d'internet www.trun.ch.

La suprastanza communal lai menar atras las controllas sin las vias d'uaul naven dall'entschatta matg 2024.

Administraziun communal Trun

Organisaziun rimnada da rufid bloccont dils 18-4-2024

Sco usitau organischescha la vischnaunca la rimnada da rufid bloccont.

La rimnada en vischnaunca ei destinada per rufid ord ils tenercasa privats da nossa vischnaunca. Ella succeda per segidar cun nossas convischinas e nos convischins e per evitar viadis cun pigns quantums sin la deponia a Plaun Grond, Rueun.

Liug: La rimnada da rufid bloccont succeda gievgia, ils 18-04-2024, allas 10.00–18.00 ad Igniu/Pustget.

Uorden sil plaz da rimnada: Il material sto vegnir sortius e deponius tenor instrucziun dil responsabel per la rimnada en ils divers containers.

Cuosts: Pigns quantums entochen la grondezia dad 1 m³ vegnan pri encunter gratuitamein. Per quantums che survargan quella dimensiun vegn quintau mintgamai frs. 15.00 per il m³. Per pneus senza gavegl ei da pagar ina contribuziun da frs. 6.00 per toc, pneus cun gavegl frs. 12.00 per toc.

Rufid che vegn buca prius encunter:

- lenna che sa vegnir barschada
- plastic dallas ballas da silo
- rufid che croda tier spazzadas, sanaziuns e rumidas da baghetgs
- utensils electronics (san vegnir dismiss tier la deponia Plaun Grond a Rueun)

Suprastonza communal Trun

Sanaziun dalla via Carmanera

Las lavurs da sanaziun vid la secunda part dalla via Carmanera entscheivan gliendisdis, ils 15 d'avrel 2024.

La via sto per quei motiv vegnir serrada naven dalla cruschada Via Carmanera / Via Campliun (casa Bruggmann) tochen tier la casa da Flurin e Sandra Decurtins.

In sviament vegn signalisau.

Per damondas stat il cau dil stradalesser dalla vischnaunca, Albert Spescha (081 920 20 45), a disposiziun.

Suprastonza communal Trun

Eleccziun supplementara per la suprastonza communal

Per il rest dalla perioda d'uffeci 2024-2026

La elecziun ha liug **dumengia, ils 9 da zercladur 2024**

Geraua Erica Cavegn-Pfister ha abdicau siu uffeci sin la fin d'uost 2024. Sebasond sin artechel 31 da nossa lescha davart votaziuns ed elecziuns ordeina la suprastonza communal ina elecziun supplementara per il rest dalla perioda d'uffeci.

Propostas per il sez che vegn libers en la suprastonza communal ein d'inoltrar entochen ils 9 da matg 2024 (Art. 19 lescha davart votaziuns ed elecziuns).

Tenor art. 19 dalla lescha davart votaziuns ed elecziuns san gruppas da silmeins 5 votants proponer candidats per la suprastonza. Talas propostas ein da far en scret e d'inoltrar all'administraziun communal.

Ina proposta astga buca cuntener dapli candidats ch'il diember da posts libers. Las candidatas ed ils candidats ston mintgamai vegnir indicai cun num e prenum, onn da naschientscha, liug e professiun.

Administraziun communal Trun

Sut igl Ischi 2024 –

Détgas e fatgas d'ina perdetga metta

«Detgas e fatg(a)s d'ina perdetga metta» ei in'ovra multimediala cun cant, musica e films. Il fil tgjetschen da quella ei la historia digl ischi da Trun.

Affons, chors, solistas, solists ed orchester contan e sunan la musica accumpignada da maletgs, films cuorts e fatgs historics. Ei vegn sunau ovras musicalas ch'ei resultadas en occasiun dallas differentas manifestaziuns sut igl ischi. Per exempel dil giug festiv «Trunser Festspiel» da Duri Sialm, sco era ovras contemporanas dils interprets Alexi e Marcus, Pascal Gamboni ni Corin Curschellas. Il cumponist da film Lorenz Dangel da Berlin scriva plinavon nova musica che cumbinescha ils differents stils musicals.

Bigliets san vegni empustai naven dad immediat sin www.ischi2024.ch e per telefon 081 920 20 40.

Administraziun communal Trun

Pleiv catolica romana Trun

Invit alla radunonza generala, mesjamna, ils 24 d'avrel 2024 allas 20.00 en l'aula en casa da scola, Trun.

Tractandas:

1. Beinvegni ed elecziun da dus dumbravuschs
2. Protocol
3. Rapport
 - dil president
 - digl administratur
4. Rendaquen
 - rapport dil cassier
 - rapport da gestiun
 - approbaziun e conclus da scarica
5. Rendaquen dallas fundaziuns
 - rapport dil plevon
 - rapport da gestiun
 - approbaziun e conclus da scarica
6. Preventiv
7. Fixar il pei da taglia
8. Rapport dalla presidenta dil cussegl pastoral
9. Elecziuns
 - ugau caplutta sontga Brida
 - commembers dil cussegl pastoral
10. Rapport restauraziun baselgia Nossadunna dalla Glisch
11. Illuminaziun en baselgia parochiala Trun
12. Varia

Dallas tractandas 2 ed 8 san ins prender investa odem las baselgias da Trun, Schlans e Zignau.

La suprastonza

Lectio Divina

Leger la bibla cun cor ed intelletg, moderaziun sur Tomasz. La proxima sentupada ha liug **mesjamna, ils 17 d'avrel** allas 19.00 ell'aula dalla scola Trun. Il text anfleis en baselgia ni sin nossa pagina d'internet www.pleivtrun.ch. Beinvegni ein tuts interessai dalla vischnaunca Trun e contuorn.

Museum Cuort Ligia Grischa

Salid dil Grischun – In'exposiziun da cartas postalas dils onns glorius. Sonda, ils 13 d'avrel 2024 allas 16.00 ha liug la vernissascha ensemen cun ils realisateurs Simon Bundi, Curdin Albin e Pascal Werner dalla Fundaziun grischuna per la fotografia. Nus schein reviver quei temps cun ver 90 cartas postalas en colur.

L'exposiziun cuozza tochen ils 9 da zercladur.

Cordial beinvegni fa il team dil museum ed ils expositurs

Bezirksviehausstellung Trun

20.4.2024 Pustget, Trun

Ausgestellt werden Rinder und Kühe.

- Ab 9 Uhr Rangierung der Abteilungen
- Lieblingstierwettbewerb
- Nachmittag Spezialwettbewerbe
- Mit Zelt und Verpflegung
- After Party im Festzelt ab 20 Uhr

Wir freuen uns auf zahlreiches erscheinen.

Uniun d'exposiziun da biestga Surselva

Evangelisch-Reformierte Kirchgemeinde Cadi

Ordentliche Kirchgemeindeversammlung

Siehe unter Disentis/Mustér !

Movis Disentis

Producziuns dils MOVIS ed acrobatica/gimnastica Cadi

Mira sut Disentis/Mustér!